

Naqqiut

Siunnersuut 23. august 2018-imeersoq taarsilerpaa

Peqqut

Siunnersuutini kalaallisoortaanu – qallunaatoortaanilu assigiinngissutitaqartoq malugineqarpoq.

Siunnersuutit assilisartai marluullutik assigiinnik oqaasertaqassammata aaqqissuunneqarput.

Uunga siunnersuut: Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq

(Qamutit motorilinnut taamaallaat innaallagissamik brintimilluunniit ingerlatilinnut plug-in hybridbiilinullu akitsuut kiisalu igitassanngortitsinermi akiliut)

§ 1

Qamutit motorillit akileraarutaat pillugit Inatsisartut inatsisaanni nr. 3, 16. juni 1987-imeersumi, ilaatigut Inatsisartut inatsisaatigut nr. 7, 11. november 2004-meersukkut, Inatsisartut inatsisaatigut nr. 10, 3. december 2012-imeersukkut, kingullermillu Inatsisartut inatsisaatigut nr. 8, 29. november 2013-imeersukkut allanngortinneqartumi makku allannguutigigitinneqarput:

1. § 1, *imm. 2* ima oqaasertalerneqassaaq:

”*Imm. 2.* Akitsuuserneqartussaannngitsut makkuupput:

- 1) qamutit motorillit qatserutit annaassiniutillu kiisalu qamutit motorillit ikiuiartorasuaatit politiillu biilli,
- 2) napparsimmaveqarfiup napparsimasunik angallassissutai,
- 3) qamutit motorillit nunat allamiut aallartitaqarfiinit imaluunniit konsuleqarfiinit imaluunniit aallartitaqarfinni sulisunit qallunaatut innuuttaassuseqanngitsunit pigineqartut, aamma
- 4) qamutit motorillit, savaateqarnermik, nersussuaateqarnermik tuttuuteqarnermilluunniit inuussutissarsiornermut assigisaannullu sulinermut atatillugu pigineqartut atorineqartullu, savaateqarneq, nersussuaateqarneq tuttuuteqarnerluunniit pingaarnertut inuussutissarsiuutigineqarpat.”

2. § 2, *imm. 1* ima oqaasertalerneqassaaq:

”Akileraarutit ukiumut angissuseqarput:

- 1) Qamutit motorillit, tassungalu ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.000 kg tikillugu oqimaassusillit: kr. 6554.

- 2) Qamutit mootorillit, tassungalu ilanngullugit qamutit mootorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.001 kg-mit 1.200 kg-mut oqimaassusillit: kr. 10.049.
- 3) Qamutit mootorillit, tassungalu ilanngullugit qamutit mootorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.201 kg-mit 1.500 kg-mut oqimaassusillit: kr. 10.747.
- 4) Qamutit mootorillit, tassungalu ilanngullugit qamutit mootorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.501 kg-mit 1.800 kg-mut: kr. 15.231.
- 5) Qamutit mootorillit, tassungalu ilanngullugit qamutit mootorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.801 kg-mit oqimaassusillit: kr. 17.575.
- 6) Motorcykelit: kr. 3.540.
- 7) qamutit mootorillit nunakkoortit mikinerit sisamanik amerlanernilluunniit assakaasullit: kr. 0,00.
- 8) Snescooterit: kr. 0,00.

3. § 2, imm. 2 ima oqaasertalerneqassaaq:

”Imm. 2. Akileraarutit ukioq affakkaarlugu siumut akilerneqartartussat 1. april aamma 1. oktober akiligassannngortassapput, piffissaagallartillugu akiliiffissaq tassaalluni 30. april aammalu 31. oktober. Piffissaagallartillugu akiliiffissaq arfininngorneruppat, sapaatiuppat nalliuttuuppalluunniitt akiliiffissaq ulluinnarmut tullermut kinguartinneqassaaq.”

4. § 2, imm. 4 ima oqaasertalerneqassaaq:

” Imm. 4. Akitsuutinut akiligassat Kalaallit Nunaanni eqqartuussisarneq pillugu inatsimmi kap. 47 akileraarutinut akitsiitinullu akiligassat pinngitsaaliilluni akiliisitsinermi malittarisassat naapertorlugit pinngitsaaliissumik akilersinneqarsinnaapput.”

5. § 2-p kingorna ilanngunneqassaaq:

” § 2 a. Qamutinut mootorilinnut § 2, imm. 1-imi ilaatinneqartunut atatillugu igitassannngortitsinermi akiliut ukiumoortumik akilerneqartassaaq:

Imm. 2. Igitassannngortitsinermi akiliutit makkuupput:

- 1) Qamutit mootorillit § 2, imm. 1, nr. 1-6-imi ilaatinneqarput, tamatumani pinnagit qamutit mootorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit: kr. 400.
- 2 Qamutit mootorillit taamaallaat innaallagissamik brintimilluunniit ingerlatillit : kr. 1.000.

3) Plug-in-hybridbiilit batteriiniik innaallagissamik immeqqinneqarsinnaasunik ingerlatillit: Kr. 800.

4) Qamutit motorillit nunakkoortit mikinerit sisamanik amerlanernilluunniit assakaasullit snescooterillu: kr. 200

Imm. 3. § 2, imm. 2-4-mi aalajangersakkat igitassanngortitsinermi akiliummut aamma atuupput.”

6. § 2 a-p kingorna ilanngunneqassaaq:

”§ 2 b. Qamutit motorillit nalunaarsorsimaffimmit peerneqarlutillu eqqakkanik passussivimmuut tunniunneqarneranni qamutinuut motorilinnut § 2, imm. 1 naapertorlugu akitsuuteqartitaasunut piginnittoq kommunimit ajunngitsorsianik tunineqassaaq.

Imm. 2. Ajunngitsorsiassat ima annertussuseqarput:

1) Qamutit motorillit § 2, imm. 1, nr. 1-6-imi ilaatinneqarput, tamatumani pinnagit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriiniik innaallagissamik immeqqinneqarsinnaasunik ingerlatillit: kr. 1.000.

2) Qamutit motorillit taamaallaat innaallagissamik brintimilluunniit ingerlatillit: kr. 2.500.

3) Plug-in-hybridbiilit batteriiniik innaallagissamik immeqqinneqarsinnaasunik ingerlatillit: kr. 2.000.

4) Qamutit motorillit nunakkoortit mikinerit sisamanik amerlanernilluunniit assakaasullit snescooterillu: kr. 500.

7. Inatsisartut inatsisaata danskisuuani tamarmi ”Landsstyret” ima allanngortinneqassaaq: ”Naalakkersuisut”.

§ 2

Inatsisartut inatsisaat ulloq 1. januar 2019 atuutilissaaq, taamaattorli tak. imm. 2 aammalu siullerpaamik atuutissalluni piffissamut akileraarfiusumut 1. april 2019-imiit 30. september 2019-imut tunngatillugu akileraarutissamut ullormi 1. april 2019-imi akiligassanngortussamut.

Imm. 2. Siunnersuummi nr. 5 aamma 6-ip piffissaq atuutilerfissaat Naalakkersuisut nalunaarutikkut aalajangersassavaat.

Namminersorlutik Oqartussat, ulloq xx. xxx 2018

Kim Kielsen